



Programa municipal de fomento da conciliación

IGUAL É +

Bases

Primeira.-Obxecto.

A Concellería de Igualdade do Concello de Tui en aras a promover a conciliación da vida laboral, familiar e persoal, pon en marcha o Programa de Conciliación "IGUAL É +". A finalidade é fomentar a corresponsabilidade entre mulleres e homes a través da conciliación dos seus tempos persoais, laborais e familiares incorporando a perspectiva de xénero para fomentar a igualdade entre mulleres e homes nos nenos e nenas que participen neles.

Segunda.-Temporalización.

O servizo prestarase do 1 o 9 de setembro.

En termos xerais, o horario será de 09.00 a 14.00 horas de luns a venres, os días hábiles dos períodos establecidos, entendéndose como tales os acollidos na normativa correspondente pola que se establece o calendario laboral oficial para o ano en curso e sucesivos no ámbito do concello de Tui. O horario do Programa non poderá ser modificado, salvo causa xustificada e aceptada polo Concello de Tui.

Esta temporalización estará suxeita á normativa e medidas ditadas polas autoridades competentes na materia por motivo da Emerxencia sanitaria polo COVID-19, podendo sufrir variacións.

Terceira.-Poboación destinataria.

A poboación destinataria do Programa son menores de Tui con idades comprendidas entre os 3 e 12 anos, ámbolos dous incluídos. No caso de menores con necesidades educativas especiais avaliarase cada solicitude de maneira individual.

A/O menor durante os 14 días previos a súa incorporación ao *Programa municipal de conciliación 2020 "IGUAL É+"* non estará diagnosticada/o de COVID-19, non presentará sintomatoloxía asociada a este virus (tose, febre, dificultade ao



Programa municipal de fomento da conciliación

IGUAL É +

Bases

respirar...) nin padecerá ningunha outra enfermidade contaxiosa; e non convivirá con ninguén afectada/o polo COVID-19 nin estará en contacto estreito nin compartirá espazo sen gardar a distancia interpersoal cunha persoa afectada polo COVID-19.

Cuarta.-Grupo familiar.

As familias que soliciten participar no Programa deberán acreditar a súa inclusión nalgún dos seguintes grupos:

1. Familias que acrediten que precisan encargarse do coidado directo dun familiar, ata o segundo grao de consanguinidade ou afinidade, que por razóns de idade, accidente ou enfermidade non poida valerse en por sí.
2. Familias nas que as dúas persoas proxenitoras ou a persoa proxenitora no caso de familia monoparental están en situación activa de emprego e teñan a obriga de acudir ao seu centro de traballo.
3. Familias nas que as dúas persoas proxenitoras ou a persoa proxenitora no caso de familia monoparental están en situación activa de emprego, e unha delas ou a titular da familia /monoparental está en modalidade de teletraballo.
4. Familias nas que as dúas persoas proxenitoras ou a persoa proxenitora no caso de familia monoparental están en situación activa de emprego, e unha delas ou as dúas ou a titular da familia monoparental está en situación de Expediente de Regulación Temporal de Emprego.
5. Familias que teñan necesidades de Conciliación e que non se atopen nas situacións anteriores (traballo, formación, coidados, outros...)

Na selección terase en conta o nivel de renda da unidade familiar e terán prioridade ás persoas participantes con menos ingresos:



Programa municipal de fomento da conciliación

IGUAL É +

Bases

1. Terán prioridade as persoas participantes cuxa unidade familiar teña ingresos non superiores a 6,5 veces o indicador público de renda de efectos múltiples 2019 (IPREM), límite que se incrementa nun 15 % máis cando se trate de familias monoparentais ou de familias numerosas.

Quinta.- Lugares e prazas ofertadas.

O programa está previsto para un total de 70 nenas e nenos, repartidos en 7 quendas simultáneas en grupos de 10 en distintos lugares do Concello:

1. *TUI URBANO 1: PABELLÓN Nº 2* - 10 PRAZAS
2. *TUI URBANO 2: PABELLÓN Nº 2* - 10 PRAZAS
3. *CALDELAS DE TUI: CASA CULTURAL* - 10 PRAZAS
4. *GUILLAREI: CASA CULTURAL* - 10 PRAZAS
5. *REBORDANS: CASA CULTURAL* - 10 PRAZAS
6. *RANDUFE: CASA CULTURAL* - 10 PRAZAS
7. *AREAS.: CASA CULTURAL* - 10 PRAZAS

O número máximo de prazas en cada lugar será de 10 en cumprimento da normativa e medidas ditadas polas autoridades competentes por motivo da Emerxencia sanitaria polo COVID-19.

Sexta.- Procedemento de inscrición.

A documentación desta convocatoria publicarase na páxina web municipal e poderase solicitar en formato papel no edificio municipal do Concello de Tui.

As solicitudes deberán presentarse no Rexistro xeral do Concello.

O prazo para a presentación de solicitudes será do 24 de agosto ao 28 de agosto, ambos dous días incluídos.



Programa municipal de fomento da conciliación **IGUAL É +**

Bases

Sétima.-Documentación a presentar para tramitar a solicitude de participación.

A documentación a presentar para tramitar a solicitude de participación no Programa é a seguinte:

- Ficha de inscrición.
- Fotocopia do Libro de familia.
- Declaración da renda (2019)
- Certificado acreditativo do grao de discapacidade e copia do ditame técnico facultativo, emitido polo equipo de valoración e orientación correspondente da/o menor.
- Certificado de familia monoparental, sentenza de separación ou divorcio ou convenio regulador.
- Acreditación da necesidade de conciliación: traballo, formación, coidados ou calquera outra circunstancia ou documentación que se solicite dende os servizos sociais comunitarios municipais e que sexa necesaria para unha mellor resolución da solicitude.

Oitava.-Adxudicación de prazas.

Unha vez rematado o prazo de presentación de solicitudes, adxudicaranse as prazas acorde ao seguinte procedemento:

1. Familias participantes cuxa unidade familiar teña ingresos non superiores a 6,5 veces o indicador público de renda de efectos múltiples 2019 (IPREM), e no caso das familias monomarentais/monoparentais ou familias numerosas este límite se incrementa nun 15 % máis..
2. Familias que teñan necesidades de Conciliación e que se atopen nos seguintes supostos:



Programa municipal de fomento da conciliación **IGUAL É +**

Bases

- 2.1. Familias que acrediten que precisan encargarse do coidado directo dun familiar, ata o segundo grao de consanguinidade ou afinidade, que por razóns de idade, accidente ou enfermidade non poida valerse en por sí.
 - 2.2. Familias nas que as dúas persoas proxenitoras ou a persoa proxenitora no caso de familia monoparental están en situación activa de emprego e teñan a obriga de acudir ao seu centro de traballo.
 - 2.3. Familias nas que as dúas persoas proxenitoras ou a persoa proxenitora no caso de familia monoparental están en situación activa de emprego, e unha delas ou a titular da familia monoparental está en modalidade de teletraballo.
 - 2.4. Familias nas que as dúas persoas proxenitoras ou a persoa proxenitora no caso de familia monoparental están en situación activa de emprego, e unha delas ou as dúas ou a titular da familia monoparental está en situación de Expediente de Regulación Temporal de Emprego.
3. Familias que teñan necesidades de Conciliación e que non se atopen nas situacións anteriores.

Novena.- Obrigas das familias.

Os teléfonos de contacto recollidos na ficha de inscrición deberán estar sempre en modo operativo dende o momento da presentación da solicitude ata o remate do Programa. No caso de producirse algún cambio dos números de contacto durante o desenvolvemento do Programa, deberase comunicar esta circunstancia inmediatamente o Concellería de Igualdade do Concello.

Para a entrada e saída da actividade as/os menores só poderán acudir acompañadas/os por unha persoa, que deberá acudir con máscara cirúrxica, respectar a distancia de seguridade e cumprir co protocolo establecido.

As/Os menores unicamente poderán saír con algunha das persoas autorizadas para tal efecto na ficha de inscrición no apartado *Persoas autorizadas para a recollida da/o menor*.



Programa municipal de fomento da conciliación **IGUAL É +**

Bases

As/Os menores deberán acudir á actividade provistas/os de máscaras hixiénicas ou cirúrxicas.

Tamén deberán levar merenda para a media mañá e acudir con roupa e calzado cómodo para facilitarlles a realización dos xogos de movementos.

As faltas de asistencia deberán ser comunicadas e xustificadas, no seu caso, á empresa que o poñerá en coñecemento do Concello de Tui. Contar con tres faltas sen xustificar supón a perda automática da praza.

Calquera aviso, incidencia ou información sobre a/o menor deberá comunicarse á empresa que xestiona o Servizo.

As familias deberán cumprir o protocolo establecido polo Concello de Tui para o *Programa municipal de conciliación IGUAL É +* con motivo da Emerxencia sanitaria polo COVID-19 e notificar inmediatamente á empresa encargada da xestión do servizo calquera problema de saúde vinculado ao COVID-19 durante o transcurso da actividade.

Décima.-Excepcionalidade derivada da Emerxencia sanitaria polo COVID-19.

Todo o establecido nas presentes bases poden sufrir modificacións en función das normativas e medidas ditadas polas autoridades competentes por motivo da Emerxencia sanitaria polo COVID-19.